

vo [a] [A] qui quasi miraculose per breve tempus ultra cc domos combussit usque in burgum Portae Ravennatis; matricem tamen [b] ecclesiam, meritis beati Petri apostoli Dominus servavit [c] illaesam.

Omnipotens Deus

Quando Ravennates, Imolenses, Forlivienses, ^{Bretenorienses,} Bagnacaballenses fecerunt^a conspirationem contra Faventinos.

CAP. CXLIII.

Antiqui et diri serpentis versutia, venenatis invidie stimulis infecti Ravennates, Imolenses, Forlivienses, Bretenorienses, Bagnacaballenses contra Faventinos conspirationem fecerunt non modicam; ad quam observandam perpetuo duplici sese constrinxerunt^f vinculo [d], speciali scilicet juramento et obsidum datione nobilium. Imolenses igitur, tanquam hujus malicie inventores, acceptis obsidibus ab omnibus suis conspiratoribus, eis praeceperunt firmissime, quod nullus eorum auderet de cetero facere cum Faventinis communicationem, nec per [e] eorum foris aliquid sineret [f] portare mercatum [g]. Quo Faventini cognito, tantam injuriam, more solito, armis fore vindicandam clamabant. At Guido de Lambertino, Faventinus potestas [h], nobilis civis Bononiensis, vir sapiens et discretus, talem populi clamorem suo dulci sedavit eloquio, asserens, quod sine discrimine aliquo sibi credere vellent [i]; ipse omnium inimicorum haec et alia iniqua promissa, intra araneorum telas ostendet in proximo esse vanissima. Quod verbum pro certo adimplevit in brevi. Nam, ante medium annum, Bononiensibus hanc esse propriam injuriam asserentibus et Faventibus ad hanc offensae vindictam, de voluntate [j] potestatis, se praeeparantibus, per districtum omnium conspiratorum iverunt Faventini, et redierunt pro voluntate eorum secure.

Quando celebrata est sancta Synodus.

CAP. CXLIV.

¹ 1215. Anno ab incarnatione Domini mcccxv celebrata est sancta et universalis Synodus (98) in ecclesia Sancti Salvatoris, quae Constantiniana vocatur, mense Novembris, praesidente domino Innocentio [k] papa iii, pontificatus ejus anno xviii, in qua fue-

[a] Ioannis in Solavo. Sic Codd. — [b] matricem tamen, C. M.; matricem tantum, C. V. — [c] Dominus servavit, C. M.; omnipotens Deus servavit, C. V. — [d] constrinxerunt vinculo. Sic lego C. M.; constrinxerunt funiculo, C. V. — [e] nec per. Sic lego. In C. V., vos per. Cl. Mitt. legit: jus, vel, vis per. — [f] aliquid sineret. Sic lego: aliquid sineret, C. V. — [g] mercatum. Sic Codd. — [h] Faventinus potestas. Sic lego. Faventino potestate, C. V. — [i] credere vellent. Sic lego. Codd. habent: credere volunt. — [j] vindictam de voluntate, C. M.; vindictam et voluntate, habet C. V. — [k] domino Innocentio. In C. M., domino Innocencius.

[A] Sic vocatur, in scripturis antiquis, ecclesia quae nunc dicitur Sancti Ioannis Evangelistae, vulgo di Sant'Agostino; ut videre est in instrumentis illius temporis, apud Archiv. Azzurrinum.